



Moderamen  
GBKP

# *Kebaktian Keluarga*

*8 April 2020*



## PERSIKAPEN

- Keluarga nikapken waktu si payo rikutken kecibal keluarganta masing-masing
- Nentuken anggota keluarga si ikut muat bagin ibas perdalanen kebaktin keluarga: si ermusik, si mabai rende, si ngoge kata Dibata, renungen, pertoton syafaat, rsd
- Adi lit lagu-lagu si la semal bas keluarganta, baci isesuaiken.
- Adi memungkinkan, si pegara sada lilin i tengah-tengahta si mbol kehadiran Tuhan selaku terang itengah jabunta.

## PENGAJUK MENAKEN KEBAKTIN KELUARGA (*Bapa / Nande*)

Terpujilah Tuhan ibas kerina paksa kegeluhenta, wari baci ka kita mereken waktu si mehuli guna reh ndahi Tuhan radu ras isi jabunta. Baci jadi enterem kalak si bas paksa genduari enda lanai lit waktuna ntah pe la baci ia erbahan kebaktin ras keluargana erkiteken erbage situasi ras tugas si mbelin si la baci la ilakokenna. Maka mari dage kita ersembah man baNa alu dem keriahen ukur. **“lenga bo keru keleng ate Tuhan, perkuah ateNa tetap nge lit. keleng ateNa mbincar tep-tep erpagi-pagi, bali tetapna ras matawari si pultak arah**

## RENDE KEE No 179:1-4 (*ibabai Anak tengah jabu / baci pegancih*)

Di nggo reh ben wari, pekesahken ka

Bage tep-tep wari puji Dibata

Tuhan sikawalta ibas berngi pe

Endeken man baNa kula tendi pe

Tuhan singkawali sanga tunduh pe

Medak 'rpagi-pagi daging bugis pe

Mbincar matawari puji Tuhanta

Dahinta si dahi tutus ateta

## NEHKEN KESAKSIN/ NURI-NURI :

salah sada anggota jabu ibereken kesempatan guna nuriken penggejaben mentasi wari enda (baci kerna kesehaten, kerna kebiaren, kerna pengarapenna, kerna berita si ialokenna wari enda, rsd)





## RENDE “Bagi Tuhan Tak ada Yang Mustahil”

*(ibabai Anak tengah jabu/baci pegancih)*

Ku yakin saat Kau berfirman  
 Ku menang saat Kau menjaga  
 Hidupku hanya ditentukan oleh perkataanMu  
 Ku aman saat Kau menjaga  
 Ku kuat karna Kau menopang  
 Hidupku hanya ditentukan oleh luasaMu

Reff: Bagi Tuhan tak ada yang mustahil

Bagi Tuhan tak ada yang tak mungkin  
 MuziatNya di sediakan bagiku  
 Ku diangka dan dipulihkanNya

### NGOGE PUSTAKA: Roma 15:1-3a.

Bapa : kita si megegeh kinitekenta arus nampati kalak si merampek kinitekenna, guna mersan babanna. Ola dirinta ngenca si ukuri. Tapi sekalak-sekalak kita arus mperdiateken temanta manusia janah ngukuri kai si mereken kiniulin man bana gelah alu bage reh teguhna kinitekenna. Sebab Kristus pe labo diriNa saja iukurina.

### RENUNGEN *(Nande)*

Selain kota New York ras kota Charleston di west virginia, igelari KOTA YANG TAK PERNA TIDUR. Ibas ingan enda kerina kalak si tading ije tetap ngelakoken aktifitas pribadi ntah pe bisnis 24 jam. Baci si bayangkan maka ingan enda sehal sibukna ras meriahna. Mbue ka inga menerekan jasa guna pesenangken diri, bagepe ingan si mungkin deba la terukuri kita seba la semal bage ibas inganta ntah negaranta enda. Ngidah situasi si bagenda rupa, tentunta lanai kerina jabu baci pulung tep-tep wari ras anak-anakna, alu alsan kesibuken ntah pe nggo lit ka temanna meriah guna pulung-pulung i darat rumah. Baci jadi keluarga e lanai jadi ketedehen ate kedungenna.

Ibas situasi si genduari, la saja kota New york si la pernah “tunduh” e, hampir kerini negara nggo metenget dengen matasi aktifitas bangsana i darat rumah. Alu kata si deban, kerina kita nggo arus tading irumah radu ras isi jabunta. Nginget lit sada wabah si arus si lawan “siputusken perkembangenna”. Mbue kal kalak, si langasup tading i rumah saja alu alasen si erbage rupa. Emaka aminna nggo ihimbau pemerintah secara resmi pe tapi mbue dengan masyarakat Indonesia khususna kita pe perpulungan lawes ndarat labo erkiteken sada pendahin si perlu ntah pe wajib.

Erlajar man negara-negara e Eropa, maka kepeken arus kita metenget jana ula dirinta saja ngenca si ukuri. Amin gia nggo bosan, ntah la semal kita ndekah ibas rumah sedekah enda, tapi ula min e jadi alasen maka kita ndarami ingan ercakup-cakap ntah pe ingan pekesahken ibas ingan si deban (kerumunan orang).



Sabab, enda baci maba marabahaya man bangsanta, kita arus mediate ras ngergai pemerintah ras senina turangta si memang arus tetap erdahin i darat rumah guna keperluan jelma si enterem.

Mediate man kalak sideban... baci sibenaken arah njagai dirinta ras isi jabunta gelah tetap beraktifitas I rumah ras njaka kesehatan pribadi. Adi kita lah gia lanai jadi "urusen/sinangel" man negara enda tentu nggo urak dahin pemerintahta. Enda pe nggo sehkak nampati na ibas paksa genduari enda. Sedekah enda, erkiteken kesibukenta kerina baci jadi lanai mbue waktuta ras isi jabunta. Genduari me paksana si lakoken kai lenga sempat sibahan ras isi jabunta, mungkin saja pe mbu dahinta si tertunda erkiteken kesibukenta, maka genduari me paksana kita ndungisa.

La lit alasen maka : "tading i rumah la lit dahin/membosankan" . tapi mari si pelimbarui pemahamenta. Wahah Codid 19, salah sada dalam guna kita baci ngelakoken dahin si tertunda. Selamat berkreatifitas ibas mengisi waktu irumah saja...

..... (Paksa Teneng 1 – 2 menit) .....

## **PERTOTON SYAFAAT:** *(Ibabi Bapa / Mamre/baci iatukern gelah kerina keluarga muat bagin)*

- Notoken Keluarga / Sekolah anak-anak
- Notoken Lingkungan / kutanta
- Notoken serayan Tuhan / gereja
- Notoken Pemerintah
- Notoken Para Medis si erdahin nampati kalak kena Covid 19
- ....

## **ENDE-ENDEN MINDO PERGEGEH**

L + P Yesus Tuhanku, Penalemenku. Lalit gegehku, sampatilah aku

Reff. Sampat aku Tuhan, Sampat aku Tuhan,  
Sampat aku Tuhan, sampat O Bapa (2x)

Yesus Tuhanku, Penalemenku. Bera ukurku, min tanNdulah negu Reff.....

Yesus Tuhanku, Penalemenku., Bas mbiar aku, petetap pusuhku Reff.....

## **PERTOTON TUHAN**

